



MINISTERIO
DE MEDIO AMBIENTE,
Y MEDIO RURAL Y MA

MINISTERIO DE MEDIO AMBIENTE,
Y MEDIO RURAL Y MARINO

CONFEDERACIÓN
HIDROGRÁFICA
DEL MIÑO-SIL

REGISTRO DE SALIDA	OFICINA SERVICIOS CENTRALES
22/11/2011	12:06:47

CONFEDERACIÓN HIDROGRÁFICA
EL MIÑO-SIL

RESIDENCIA



S/REF.
N/REF. Resposta Alegación Plan
DATA 09 de novembro de 2011
ASUNTO ALEGACIÓN AO PROXECTO DE
PLAN HIDROLÓXICO MIÑO-SIL 2010-2015

En primeiro lugar, desexo trasladarlle o noso agradecemento pola presentación da súa alegación ao proxecto de Plan Hidrolóxico da parte española da Demarcación Hidrográfica do Miño-Sil:

As máis de 600 observacións presentadas durante o período de consulta pública do proceso de planificación hidrolóxica son unha boa mostra da participación activa de todos os interesados para contribuír a promover, dende a responsabilidade compartida, unha xestión sostible, equilibrada e equitativa dos recursos hídricos das concas dos ríos Miño, Sil e Limia.

Unha vez analizada a súa alegación, e de conformidade co disposto tanto na Directiva 2000/60/CE, do Parlamento Europeo e do Consello, pola que se establece un marco comunitario de actuación no ámbito da política de augas, como na lexislación que a desenvolve, procédese a responder de forma motivada a cada unha das observacións presentadas.

OBSERVACIÓN Nº 01

Síntese da Observación

Non se encontrou ningunha referencia, aínda que sexa histórica, a Lagoa de Antela que permita nun futuro realizar actuacións de restauración desta.

Resposta Motivada

A recuperación e xestión dos humedais é competencia das Comunidades Autónomas e polo tanto sáese do ámbito competencial da Confederación Hidrográfica do Miño-Sil. Non

CORREO ELECTRÓNICO:
presidencia@chminosil.es

CURROS ENRÍQUEZ, Nº 4, 2º
32003 OURENSE
TEL.: 988 399 403



obstante, recoñécese a importancia do humedal e trasladarase ao organismo competente a preocupación formulada na alegación, no seo do Comité de Autoridades Competentes.

OBSERVACIÓN N° 02

Síntese da Observación

No inventario de humedais, para a zona da Limia aparece o da "VEIGA DE LIMIA", humedal que na actualidade está completamente drenado e cultivado.

Resposta Motivada

Tras revisar o Plan, non se incluíu o humedal "Veiga de Limia" no rexistro de zonas protexidas como humedal, pois tal como se di na alegación, está totalmente drenado e desecado. Sendo a xestión dos humedais competencia autonómica, este asunto trasladarase ao Comité de Autoridades Competentes.

OBSERVACIÓN N° 03

Síntese da Observación

Propónse incluír como humedal o LIC "Veigas de Ponteliñares", xa que entre outras a súa declaración de LIC débese á presenza de *Eryngium viviparun*, especie que necesita de períodos de inundación de 6 - 8 meses, polo que precisa que se contemple algún recurso para mantelo carácter de hidromorfía temporal cando as chuvias non o garanten.

Resposta Motivada

A Confederación Hidrográfica do Miño-Sil tras analizar a súa proposta, comprobou que esta zona non está incluída como humedal no Inventario de humedais da Xunta de Galicia, polo que desestima incluílo no rexistro de zonas protexidas como humedal.

OBSERVACIÓN N° 04

Síntese da Observación

No apartado de Reservas e Asignación de recursos, propónse contemplar de forma específica, caudais para o mantemento de humedais, tanto no caso de Terra Chá de Lugo, As Gándaras, e por suposto a Lagoa de Antela.



Resposta Motivada

A xestión dos humedais é unha competencia da Administración Autonómica, non obstante, a Confederación Hidrográfica do Miño-Sil incluíu no Plan Hidrológico un apartado para designar reservas estratéxicas ambientais, para entre outros obxectivos, manter o caudal para os humedais Apartado "4.7.7.RESERVAS ESTRATÉXICAS" do capítulo 4 "Prioridades de Usos e Asignación de Recursos", e tamén se incluíu na normativa do Plan.

OBSERVACIÓN N° 05

Síntese da Observación

No capítulo 4 (páx.. 25-26) dise que Xinzo de Limia completa a súa demanda coa masa subterránea de Baixo Miño e debería ser coa masa subterránea Xinzo de Limia.

Resposta Motivada

Comprobouse que a alegación é correcta polo que, conforme ao que o alegante solicita, modificáranse os documentos do Plan Hidrológico para corrixir este erro.

OBSERVACIÓN N° 06

Síntese da Observación

A Comunidade de regantes de San Salvador de Sabucedo abastécese do río Limia non da Lagoa de Antela.

Resposta Motivada

Comprobouse que a alegación é correcta polo que conforme ao solicitado, modificáranse os documentos do Plan Hidrológico para corrixir este erro.

Conforme ao exposto, a súa alegación foi resolta nos termos transcritos. Así mesmo, segundo o disposto no Artigo 74.3 do Real Decreto 907/2007 elaborárase un documento de síntese sobre todas as alegacións recibidas no que se xustificará como foron tomadas en consideración e cuxas conclusións serán integradas na redacción final do Plan.



Por último, co obxecto de garantir a todos os interesados os dereitos de acceso á información ambiental, infórmolle que tanto a súa alegación como a resposta motivada estará accesible na páxina electrónica desta Confederación Hidrográfica, xunto con toda a documentación relativa ao Plan Hidrolóxico 2010-2015.

Reiterando o noso agradecemento pola súa importante colaboración, saúdao atentamente,



Francisco F. Fernández Liñarez
Presidente